



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.45. Capitulare in Saxoniam.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

tibus arborum contentus. Verum sub ^{Sæcul. VIII.}
 vitæ finem ex Hadriani Papæ præcepto, A. C. 789.
 quia multis infirmitatibus premebatur,
 adduci se passus est, ut pisces comederet.
 Singulis ferme diebus inter largas lacry-
 mas Missam celebrabat, & cantabat Psal-
 terium, quod quibusdam diebus bis terve
 repetebat, præterea lectioni & medita-
 tioni verbi Divini continuo intentus.
 Bremæ magnificam Ecclesiam in Sedem
 Cathedralē sibi ædificavit, quam ubi ^{c. 10.}
 die Dominico, primo Novembris anno
 789. dedicasset, inde octiduo elapso ani-
 mam Deo reddidit. Ibidem quoque se-
 pultus multis postea miraculis claruit.
 Ecclesia ipsius memoriam, illo die, quo ^{Martyr. R.}
 obiit, octavo Nov. colit. ^{8. Nov.}

§. XLV.

Capitulare in Saxonia.

Non sine fundamento ad illud tempus
 refertur Capitulare Regis Caroli ad ^{Cap. to. I.}
 Saxoniam præcipue pertinens, & com- ^{p. 251.}
 plectens Articulos triginta quatuor, quo-
 rum plerique ad confirmandam hanc Ec-
 clesiam nascentem conditi sunt. Qui
 mihi memoratu digni videbantur, sunt
 sequentes: Veri Dei Ecclesiis saltem non
 minor exhibeatur honor ac olim Idolo- ^{c. 1.}
 rum templis. Omnes ad eas confugien-
 tes Asylum inveniant. In pace ibi sint, ^{c. 2.}
 donec ultro ad Concilium venerint judi-
 candi
 K k 4

Sæcul. VIII.
A. C. 789.

- candi. Sed nec vita priventur, nec mutilentur. Qui Ecclesiam incenderit, vi adhita irruerit, aut quidquam inde abstulerit, pœnas morte dabit. Eadem pœna in interfectorem Episcopi, Presbyteri, aut Diaconi sancitur, id est, hæc crimina aliorum criminum modo secundum Barbarorum leges neutiquam data pecunia elui poterant. Item eadem mortis pœna statuitur in illos, qui virum aut mulierem, sub eò prætextu quod magiæ convicti sint, flammis interemerint, vel qui ob magiæ speciem occisorum carnem comederint, aut aliis comedendam dederint, credentes, ab huiusmodi veneficis homines devorari.
- Mortuorum corpora secundum morem Gentilium non comburantur. Nemo in Religionis Christianæ contumeliam in Quadragesima carnes manducet, omnia hæc delicta morte puniuntur.
- 6.4. Item ad mortem damnatur, quicumque Saxo in multitudine hominum latens ad
- 6.8. Baptismum recipiendum venire contempserit, & quicumque cum Gentilibus contra Christianos conjurationem molitus fuerit. Inde vero conjiciendum est, eum maxime in finem has leges severissimas fuisse conditas, ut incusso Barbaris terrore ad conversionem compellerentur, quod adjiciatur, quemcunque, qui hæc crimina secreto commiserit, si se poenitentiae

tentiæ subjiciat, accedente Episcopi testimonio, a morte fore liberandum.

Sæcul. VIII.

A. C. 789.

c. 19.

c. 20.

c. 22.

c. 21.

Omnes parvuli intra annum baptizentur, aut transgressores mulctam pecuniariam dent. Nempe tunc Baptismus, nisi infantes periclitabantur, ad huc dum solo tempore Paschali conferri solebat. Conjugia illicita quoque mulctata pecuniaria puniuntur. Corpora defunctorum Saxonum Christianorum ad Cæmeteria Ecclesiarum, non autem ad paganorum sepulchra deferantur. Qui voto se obstrinxerint fontibus vel arboribus, aut in honorem Dæmonum epulati fuerint, data pecunia luant, aut, si in ære non habeant, Ecclesiæ servire cogantur, donec mulctam dederint. Divinatores quoque & Magi Ecclesiæ mancipentur. Cuilibet Ecclesiæ oportet dare villam, *cortem*, cum duobus *mansis*, id est, duas familias servorum, & agros unde alantur. Tum centum viginti viri liberi contribuunt, ut vir unus & mulier una conditionis servilis Ecclesiæ detur. Decimæ de omnibus, etiam de iis, quæ ad Fiscum pertinent, Ecclesiæ tribuantur. Diebus Dominicis & Festis profana conventicula nunquam habeantur. Ceteri hujus Capitularis Articuli de rebus sæcularibus agunt.

K k 5

§. XLVI.